

Na osnovu člana 13. Statuta Fonda ("Službene novine FBiH", broj: 33/06), a u vezi sa članom 10. Pravilnika o postupku objavljivanja konkursa i odlučivanja o odabiru korisnika sredstava Fonda za zaštitu okoliša Federacije BiH ("Službene novine FBiH", broj: 73/10), Upravni odbor Fonda za zaštitu okoliša Federacije BiH na prijedlog direktora, na svojoj 4. sjednici održanoj dana 30.10.2014. godine, a na osnovu provedenog Javnog poziva za dodjelu sredstava za realizaciju programa i projekata za sanaciju šteta nastalih usljed prirodnih nepogoda za 2014. godinu („Službene novine FBiH“, broj: 69/14, dnevnim listovima „Dnevni avaz“ i „Oslobođenje“ dana 27.08.2014. godine i web stranica Fonda) donosi:

O D L U K U

o odabiru korisnika sredstava Fonda za zaštitu okoliša Federacije BiH na osnovu provedenog Javnog poziva za dodjelu sredstava za realizaciju programa i projekata za sanaciju šteta nastalih usljed prirodnih nepogoda za 2014. godinu

I.

Pravo na korištenje sredstava Fonda za zaštitu okoliša Federacije BiH na osnovu provedenog Javnog poziva za dodjelu sredstava za realizaciju programa i projekata za sanaciju šteta nastalih usljed prirodnih nepogoda za 2014. godinu, ostvaruju sljedeći aplikanti:

LOT 1. Projekti sanacije, obnove i izgradnje vodovodne i kanalizacione infrastrukture

1. **Općina Tuzla** za projekat: „Sanacija oštećenog glavnog distributivnog cjevovoda Stupari-Tuzla“ sa iznosom do 100.000,00 KM,
2. **Općina Maglaj** za projekat: „Sanacija izvora Bistrica i sanacija rekonstrukcije gradske vodovodne mreže – izrada projektno tehničke dokumentacije i izvođenje radova“ sa iznosom do 100.000,00 KM,
3. **Općina Zenica** za projekat: „Sanacija vodovoda ugroženih poplavama u slivu Bistričke rijeke“ sa iznosom do 250.000,00 KM,
4. **Općina Srebrenik** za projekat: „Sanacija oštećenih cjevovoda vodovodnog sistema i kanalizacionih kolektora usljed prirodnih nepogoda na području općine Srebrenik“ sa iznosom do 70.000,00 KM,
5. **Općina Vareš** za projekat: „ Sanacija kolektora Bukov potok“ sa iznosom do 60.000,00 KM,
6. **Općina Odžak** za projekat: „ Rekonstrukcija kanalizacionog sustava u ulici Redže Porobića u gradu Odžaku – oborinska kanalizacija I.faza“ sa iznosom do 100.000,00 KM,
7. **Općina Travnik** za projekat: „ Sanacija kanalizacije u ulici Stanična i Prnjavor u Općini Travnik“ sa iznosom do 20.000,00 KM,
8. **Općina Sapna** za projekat: „ Primarnog kanalizacionog kolektora sanitarno fekalnih otpadnih voda za naselja Dekići i Durakovići, Općina Sapna“ sa iznosom do 60.000,00 KM,
9. **Općina Živinice** za projekat: „ Izrada odnosno reizgradnja glavnog kanalizacionog voda-kolektora, sa krakovima, devastiranog poplavama iz maja 2014.godine“ sa iznosom do 100.000,00 KM,
10. **Općina Lukavac** za projekat: „ Sanacija terena oko izvorišta pitke vode, bunara BT1 u MZ turija, Općina Lukavac sa remedijacijom devastiranog tla“ sa iznosom do 70.000,00 KM,

-
11. **Općina Žepče** za projekat: „ Sanacija kanalizacionog sustava grada Žepča“ sa iznosom do 30.000,00 KM,
 12. **Općina Olovo** za projekat: „ Sanacija i rekonstrukcija distributivne vodovodne mreže u Olovu“ sa iznosom do 90.000,00 KM,
 13. **Općina Zavidovići** za projekat: „Izmještanje dijela glavnog magistralnog cjevovoda DN 500 mm na novoprojektovanu trasu u dužini od cca 700m“ sa iznosom do 90.000,00 KM,
 14. **Općina Sanski Most** za projekat: „ Uspostavljanje infrastrukturnih kapaciteta u cilju očuvanja, održivog korištenja, zaštite i unapređenja okoliša u ulici Mahala“ sa iznosom do 90.000,00 KM,
 15. **Općina Kakanj** za projekat: „ Rekonstrukcija pumpne stanice Pitka voda“ sa iznosom do 50.000,00 KM,
 16. **Općina Vogošća** za projekat: „ Kišna i fekalna kanalizacija G.Jošanica I sa zaštitom trupa kanalizacije u Jošaničkoj rijeci“ sa iznosom do 100.000,00 KM.

LOT 2. Projekti čišćenja obala vodotoka od otpada nanesenog tokom poplava

1. **Općina Gračanica** za projekat: „ Čišćenje korijeta rijeke Sokoluše i Drijenče“ sa iznosom do 65.000,00 KM,
2. **Općina Zenica** za projekat: „ Čišćenje i sanacija pritoka sliva Babine rijeke“ sa iznosom do 150.000,00 KM,
3. **Općina Srebrenik** za projekat: „ Čišćenje vodotoka I. i II. Kategorije na području Općine Srebrenik od otpada nanesenog tokom poplava“ sa iznosom do 30.000,00 KM,
4. **Općina Sanski Most** za projekat: „ Čišćenje obalnog pojasa rijeke Sane od rastinja“ sa iznosom do 5.000,00 KM,
5. **Općina Travnik** za projekat: „Čišćenje obala rijeke Lašve od otpada nanesenog tokom poplava „ sa iznosom do 80.000,00 KM,
6. **Općina Pale FBiH** za projekat: „ Čišćenje vodotoka na području Općine Pale od otpada nanesenog od poplava“ sa iznosom do 40.000,00 KM,
7. **Općina Gradačac** za projekat: „ Čišćenje istočnog lateralnog kanala i vodotoka Male Tinje na području Općine Gradačac“ sa iznosom do 100.000,00 KM,
8. **Općina Kreševo** za projekat: „ Čišćenje obala vodotoka rijeke Kreševčice od otpada nanesenog tijekom poplava“ sa iznosom do 30.000,00 KM,
9. **Općina Ključ** za projekat: „ Čišćenje potoka od nanesenog ambalažnog otpada i sječenja šiblja u priobalnom pojasu“ sa iznosom do 50.000,00 KM,
10. **Općina Kalesija** za projekat: „ Čišćenja korita i obala vodotoka u Općini Kalesija nakon prirodne nepogode 2014.godine“ sa iznosom do 70.000,00 KM.

II.

Sredstva iz tačke I. ove Odluke osigurat će se sa pozicije 614 000/ Programi i projekti za sanaciju šteta nastalih prirodnim nepogodama kao i drugi hitni projekti na teritoriji FBiH.

III.

Na osnovu ove Odluke zadužuje se direktor Fonda na sklapanje ugovora sa odabranim aplikantima, u kojima će se utvrditi iznos odobrenih sredstava, uslovi i način korištenja dodjeljenih sredstava, vremenski rok za realizaciju projekta, način plaćanja i kontrole namjenskog korištenja dodjeljenih sredstava, te ostala međusobna prava i obaveze korisnika sredstava Fonda.

IV.

Ugovori će se sklapati u skladu sa odredbama Pravilnika o postupku objavljivanja konkursa i o odlučivanju o odabiru korisnika sredstava Fonda („Službene novine FBiH“, broj: 73/10), Pravilnika o mjerilima za ocjenjivanje zahtjeva za dodjelu sredstava Fonda odnosno programa, projekata i sličnih aktivnosti („Službene novine FBiH“, broj: 73/10) i Pravilnik o uslovima i načinu dodjele zajmova ili pozajmica i drugih sredstava Fonda („Službene novine FBiH“, broj: 75/10).

V.

Odluka stupa na snagu danom donošenja, a ista će se objaviti u Službenim novinama FBiH i na web stranici Fonda za zaštitu okoliša Federacije BiH.

Pravna pouka: Protiv ove Odluke može se podnijeti prigovor Komisiji Fonda u roku od tri (3) dana od dana prijema pisane odluke.

**Predsjednik Upravnog odbora
Jasenکو Muharemagić**

Broj: UO-4-4-4/2014.
Sarajevo, 30.10.2014. godine

O b r a z l o ž e n j e

Fond za zaštitu okoliša Federacije BiH je, na osnovu člana 27. stav 1., člana 32. stav 1., Zakona o Fondu za zaštitu okoliša Federacije BiH ("Službene novine FBiH", broj: 33/03), člana 7, člana 22. stav 1., člana 34, stav 1. i člana 36. Statuta Fonda za zaštitu okoliša Federacije BiH ("Službene novine FBiH", broj: 33/06), Rebalansa finansijskog plana Fonda za zaštitu okoliša FBiH za 2014. godinu ("Službene novine FBiH", broj: 59/14), člana 5. Pravilnika o postupku objavljivanja konkursa i o odlučivanju o odabiru korisnika sredstava Fonda ("Službene novine FBiH", broj: 73/10), te Odluke Upravnog odbora o raspisivanju Javnog poziva za programe i projekte za sanaciju šteta nastalih usljed prirodnih nepogoda na teritoriji FBiH broj: UO-2-2-4/2014 od 11.08.2014. godine raspisao Javni poziv za dodjelu sredstava za realizaciju programa i projekata za sanaciju šteta nastalih usljed prirodnih nepogoda za 2014. godinu, dana 27.08.2014. godine („Službene novine FBiH“, broj: 69/14, dnevnim listovima „Dnevni avaz i Oslobođenje“ dana 26.03.2014. godine i na web stranici Fonda).

Na objavljeni Javni poziv blagovremeno je dostavljeno 55 prijava, a od toga 5 prijava nisu ispunile uslove Javnog poziva, te iste nisu ni razmatrane. Nakon isteka roka za dostavljanje prijava utvrđeno je da nije bilo neblagovremenih prijava.

Radi ocjene dostavljenih prijava formirane su dvije Komisije i to:

- 1. Komisija za analizu prijava sa aspekta ispunjenosti formalno-pravnih uslova:** odgovorna je za analizu pristiglih prijava po objavljenom Javnom konkursu, te ima zadatak da izvrši analizu prijava, izvrši izbor prijava koje su zadovoljile uslove za dalji nastavak procedure ocjenjivanja, te izradi izvještaja o analizi prijava sa aspekta ispunjenja formalno-pravnih uslova javnog poziva, koji dostavlja Komisiji za stručnu ocjenu prijava.
- 2. Komisija za stručnu ocjenu prijava:** odgovorna je za provedbu procesa stručnog ocjenjivanja prijava koje su pozitivno ocjenjene sa aspekta ispunjenosti formalno pravnih uslova Javnog poziva, a u skladu sa zadanim kriterijima, te ima zadatak da izvrše proces ocjenjivanja prijava i u skladu sa stručnom ocjenom utvrdi prioritete u odabiru pristiglih ponuda.

U toku provođenja postupka, a nakon utvrđivanja prijava koje zadovoljavaju propisane uslove Javnog konkursa, primijenjeni su kriteriji bodovanja, u skladu sa Pravilnikom o mjerilima za ocjenjivanje zahtjeva za dodjelu sredstava Fonda, odnosno programa, projekata i sličnih aktivnosti ("Službene novine FBiH", broj: 73/10).

Komisija je nakon stručne analize svih pristiglih prijava utvrdila rang listu prednosti, te dostavila prijedlog direktoru. Nakon ocjene Komisije, direktor Fonda je dao prijedlog Upravnom odboru radi odlučivanja o pristiglim prijavama u skladu sa odredbama Pravilnika o postupku objavljivanja konkursa i o odlučivanju o odabiru korisnika sredstava Fonda ("Službene novine FBiH", broj: 73/10).

Imajući u vidu ocjenu prijava od strane Komisije za stručnu ocjenu, odlučeno je kao u dispozitivu ove Odluke.